

【大行和尚宗崇念佛】（科註第七二三頁第三行）

《廬山蓮宗寶鑑·念佛正信卷第五》：大行和尚遣念佛人。心唯信佛。佛則知之。他心通故。口惟稱佛。佛則聞之。天耳通故。身惟禮佛。佛則見之。天眼通故。是以大行和尚以此念佛法。勸人生信心也。又喻云。信心者猶如深栽果樹。根深故風吹不動。後著果實濟人飢渴。念佛之人亦復如是。要由深信得到西方。若無信心空無所獲。

《念佛鏡》：大行和尚言。若有人。能依阿彌陀經念佛。不取相貌。心チヌ唯信佛。口唯稱佛。身唯敬佛。違情能忍。惡衣先著。麁食先喫。孝義并仁慈。專心念佛。逢緣不退至死不移。雜善及惡亦皆不作。唯專念佛。能如是者。大行皮中剝與作衣服著。肉中截割與作飯食喫。

【金剛心】（科註第七二三頁倒數第五行）

《佛學大辭典》：（術語）言菩薩之大心，堅固不能破壞如金剛也。（中略）

教行信證三末曰：「真實心即是金剛心。」同二曰：「光明名號顯因緣，開入本願大智海，行者正受金剛心。」

【八難】（科註第七二三頁倒數第四行）

《佛學大辭典》：（名數）謂見佛聞法有障難八處也，又名八無暇。謂修道業無閑暇也。一地獄。二餓鬼。三畜生。四鬱單越（四大洲中，北方之大洲名。），以樂報殊勝，而總無苦故也。

五長壽天，色界無色界長壽安穩之處。六聾盲瘖啞。七世智辨聰。八佛前佛後，二佛中間無佛法之處。

【現生十種益】（科註第七二三頁倒數第四行）

《佛學大辭典》：（名數）日本真宗所立。文類三末曰：「獲得金剛信心者，橫超三塗八難道，必獲現生十種益。」

一冥眾護持益，梵天，帝釋，四天王，龍神八部等護持行者也。

二至德具足益，信之一念發揮名號之至德，盡其功德，圓滿具足於我身也。無量壽經下曰：「其有得聞彼佛名號歡喜踊躍乃至一念，當知此人為得大利，則是具足無上功德。」淨土論曰：「觀佛本願力，遇無空過者，能令速滿足，功德大寶海。」三轉惡成善益，獲一念信心之時，既具足至德，則轉三世之重惡，而使盡為菩提之善也。

四諸佛護念益，十方恒沙之諸佛護念行者也。選擇集末曰：「十方諸佛，護念念佛行者。」

五諸佛稱讚益，諸佛稱讚行者也。無量壽經下曰：「聞法能不忘，見敬得大慶，則我善親友。」觀無量壽經曰：「若念佛者，當知此人是人中芬陀利華。」如來會下曰：「廣大勝解者。」

六心光照護益，由佛之大慈悲心照觸念佛行者之光明，謂之心光。念佛之行者，為此心光所照護也。觀念法門曰：「彼佛心光常照是人攝護不捨。」

七心多歡喜益，念佛之行者，如初歡喜地菩薩於未來成

佛，決定無間違，心常歡喜也。

八知具報德益，念佛之行者，即具足至德，獲得大利，今可為報謝佛恩之身也。

九常行大悲益，他力信心之行者，以自信者勸人，為自行佛之大悲之身也。安樂集曰：「大悲經云：云何名為大悲？」〔中略〕若能展轉相勸行念佛者，此等悉名行大悲人。」

十入正定聚益，定成佛之位謂之正定聚，又云不退位。念佛之行者，以信之一念入於此位，而未來必成佛也。淨土論註上曰：「易行道者，謂但以信佛因緣願生淨土，乘佛願力便得往生彼清淨土，佛力住持即入大乘正定之聚。」